

# INFORMACIJA ZA OSIGURANIKE

## SA INO OBRASCEM NA GODIŠNJI ODMOR

Poštovani osiguranici,

S obzirom na to da predstoji vrijeme godišnjih odmora, podsjećamo vas da za vrijeme privremenog boravka u inostranstvu možete da koristite zdravstvenu zaštitu o trošku Fonda zdravstvenog osiguranja ako vam zatreba hitna, neodložna medicinska pomoć, i to u onim zemljama sa kojima BiH ima potpisan sporazum o socijalnom osiguranju.

BiH ima potpisane sporazume o socijalnom osiguranju a koje obuhvataju zdravstveno osiguranje sa sljedećim zemljama:

**Srbijom, Crnom Gorom, Hrvatskom, Makedonijom, Slovenijom, Mađarskom, Turskom, Holandijom, Austrijom, Njemačkom, Italijom, Belgijom i Luksemburgom.**

Dakle, prije polaska u ove zemlje možete da dobijete ino obrasce.

Šta je potrebno uraditi prije polaska na put?

Prije polaska na put treba da se javite svom porodičnom ljekaru koji izdaje uvjerenje o vašem zdravstvenom stanju, odnosno o sposobnosti za put. Naime, osiguranom licu će se izdati uvjerenje da je sposobno za put čak i ako boluje od nekih hroničnih ili akutnih bolesti, pod uslovom da se ne nalazi u stanju koje će zahtjevati liječenje ili smještaj u bolnicu odmah po dolasku u inostranstvo.

Na osnovu uvjerenja porodičnog ljekara, kopije zdravstvene knjižice i podnešenog zahtjeva u Fondu zdravstvenog osiguranja Brčko distrikta BiH će vam se izdati tzv. ino obrazac.

Fond zdravstvenog osiguranja Brčko distrikta BiH izdavanje ino obrasca ne naplaćuje.

S ino obrascem treba da se javite zdravstvenom osiguranju zemlje u koju putujete, gdje će vam se na osnovu njega izdati bolesnički list kojeg ćete koristiti poput zdravstvene knjižice u slučaju da vam za vrijeme boravka u inostranstvu zatreba neodložna zdravstvena zaštita.

Takođe, u izuzetnim slučajevima, ino obrazac možete da date i direktno zdravstvenoj ustanovi u kojoj ste zatražili ljekarsku pomoć, a potom će zdravstvena ustanova kontaktirati nadležno zdravstveno osiguranje te zemlje. (Na poleđini obrasca se nalazi uputstvo kako treba da postupite.)

Ukoliko se desi da vam i pored ino obrasca naplate pružanje hitne zdravstvene usluge u zemlji koja sa BiH ima potpisan sporazum, po povratku možete podnijeti zahtjev za refundaciju troškova, koji će razmatrati stručne službe Fonda.

### VAŽNO

Ino obrazac važi samo u onim zdravstvenim ustanovama koje imaju ugovor sa zdravstvenim osiguranjem zemlje u kojoj privremeno boravite.

Na koji period se može izdati ino obrazac?

Ino obrazac se, kada je u pitanju privremeni boravak u inostranstvu iz privatnih razloga (kao što su godišnji odmori), može izdati za period do 30 dana u toku jedne kalendarske godine. Dakle, obrazac se može izdati više puta u toku godine, ali ukupan broj dana ne može da bude preko 30 dana. Ukoliko se obrazac za vrijeme privremenog boravka u inostranstvu ne upotrijebi, moguće je prilikom ponovnog podnošenja zahtjeva priložiti neiskorišteni obrazac te tako imati mogućnosti ponovnog korištenja broja dana sa prethodno izdatog neiskorištenog obrasca.

### NAPOMENE

- ⇒ FZO BD BiH pokriva troškove zdravstvene zaštite u inostranstvu (u pomenutim zemljama) samo u slučaju da vam zatreba hitna medicinska pomoć, odnosno medicinska usluga koju nije moguće odgoditi, a da zdravlje ili život ne budu ugroženi;
- ⇒ ino obrascem se ne mogu pokriti troškovi "ciljanog" odlaska u inostranstvo radi liječenja;
- ⇒ ino obrazac se ne može izdati bez ljekarskog uvjerenja;

Želimo vam ugodan odmor, s nadom da vam ino obrazac neće zatrebati 😊

**Vaš Fond zdravstvenog osiguranja  
Brčko distrikta BiH**